




白氏文集

十五十六

~ 16  
3345  
9



門 16  
號 3345  
卷 9

白氏長慶集卷第十五

原史三郎氏贈

唐太子少傅刑部尚書致仕贈尚書右僕射太原

白居易樂天著

明後學松江馬元調巽甫校

律詩

五言七言自兩韻至一百韻凡九十九首

渭村退居寄禮部崔侍郎翰林錢舍人詩一百

韻

聖代元和歲間居渭水陽不才甘命舛多幸遇時康朝  
野分倫序賢愚定否臧重文疎卜式尚少棄馮唐出是  
推天運從茲樂性場籠禽放高翥霧豹得深藏世慮休

白集

卷十五

一

相擾身謀且自強，猶須務衣食。未免事農桑，他計切  
 草通三徑開田占一坊，晝扉扃白版。夜唯掃黃梁，隙地  
 沿場圃間時糞土疆。積籬編刺夾薤，何戒切壟孽科秧  
 穡力嫌身病，農心願歲穰。如羊切朝衣典杯酒，佩劍搏牛  
 羊。困倚栽松鋪饑提，採蕨筐引泉來。後澗移竹下前岡，  
 生計雖勤苦，家貧甚渺茫。塵埃常滿甕，錢帛少盈囊。弟  
 病仍扶杖，妻愁不出房。傳衣念襤盧監切襪，兩舉切舉案笑  
 糟糠。犬吠村宵聞蟬鳴，織婦忙納租。看縣帖輪粟，問軍  
 倉。夕歇攀村樹，秋行遶野塘。雲容陰慘澹，月色冷悠揚。  
 蕎麥鋪花白，棠梨間葉黃。早寒風撼撼，山責切新霽月

蒼蒼園菜迎霜死，庭蕪過雨荒。簷空愁宿鷺，壁闇思啼  
 螿。眼為看書損，肱因運甕傷。病骸渾似木，老鬢欲成霜。  
 少睡知年長，端憂覺夜長。舊遊多廢忘，往事偶思量。忽  
 憶煙霄路，常陪劍履行。登朝思檢束，入閣學趨蹌。命偶  
 風雲會，恩覃雨露滂。沾枯發枝葉，磨鈍起鋒鋦。崔閣連  
 鑣，鴛錢兄接翼，翔齊竽。混韶夏燕石，厠琳琅。同日升金  
 馬，分宵直未央。共詞加寵命，合表謝恩光。殿馬驕初跨，  
 天厨味始嘗。朝脯奔模切頒餅餌，寒暑賜衣裳。對秉鵝毛  
 筆，俱含鷄舌香。青練袞薄絮，朱裏幕高張。晝食恒連案，  
 宵眠每並牀。左肩承詔旨，連署進封章。起草偏同視，疑

文最共詳滅私容點竄窮理折毫芒便共輸肝膽何曾  
 異肺腸慎微參石奮決密學張湯禁闈青交瑣官垣紫  
 界牆井欄排茵苜簷瓦鬪鴛鴦樓額題鳩切而鵲池心  
 浴鳳凰風枝萬年動溫樹四時芳宿露凝金掌晨暉上  
 壁璫砌筠塗綠粉庭果滴紅漿曉從朝興慶春陪宴柏  
 梁傳呼鞭索索拜舞珮鏘鏘仙仗環雙闕神兵闢兩廂  
 火翻紅尾旆冰草白竿槍滉漾經魚藻深沉近浴堂分  
 庭皆命婦對院卽儲皇貴主冠浮動親王轡開裝金鈿  
 相照耀朱紫閒熒煌毬簇桃花綺歌巡竹葉觴雀瓜切  
 銀中貴帶昂黛內人粧賜袂胡計切東城下頌昆迪切曲

水傍樽壘分聖酒妓樂借仙倡淺酌看紅藥徐吟把綠  
 楊宴迴過御陌行歌入僧房白鹿原東郭青龍寺北廊  
 望春花景暖避暑竹風涼下直閒如社尋芳醉似狂有  
 時還後到無處不相將雞鶴初雖雜蕭蘭久乃彰來燕  
 隗貴重去魯孔恓惶聚散期難定飛沉勢不常五年同  
 晝夜一別似參疏簪切商屈折孤生竹銷摧百鍊鋼途窮  
 任憔悴道在肯傍徨尚念遺簪折仍憐病雀瘡與寒分  
 賜帛救餒減餘糧藥物來盈裹書題寄滿箱殷勤翰林  
 主珍重禮闈郎煦沫誠多謝搏扶豈所望提攜勞氣力  
 吹鼓不飛揚拙劣才何用龍鍾分自當粧嫫徒費奩磨

醜丁歷切詎成璋習隱將時背于名與道妨外身宗老  
氏齊物學蒙莊疎放遺千慮愚蒙守一方樂天無怨歎  
倚命不動勦憤懣胸須豁交加臂莫攘珠沉猶是寶金  
躍未為祥泥尾休搖掉灰心罷激身漸閒親道友因病  
事醫王息亂歸禪定存神入坐亡斷癡求慧劍濟苦得  
慈航不動為吾忘無何是我鄉可憐身與世從此兩相  
忘

酬盧秘書二十韻

時初奉詔除贊善大夫

認歷文場選慙非翰苑才雲霄高整致毛羽弱先摧識  
分忘軒冕知歸返草萊杜陵書積蠹豐獄劍生苔悔厭

鳴雞雨春驚震蟄雷舊恩收墜履新律動寒灰鳳詔空  
徐起鶴行許重陪衰顏雖拂拭蹇步尚徘徊睡少鐘偏  
警行遲漏苦催風霜趁朝去雨雪拜陵迴上感君猶念  
傍慙友或推石頑鑄費力女醜嫁勞媒倏忽青春度奔  
波白石頽性將時共背病與老俱來聞有蓬壺客知懷  
杞梓材世家標甲第官職滯麟臺筆盡鉛黃點詩成錦  
繡堆嘗思豁雲霧忽喜訪塵埃心為論文合眉因勸書  
開不勝珍重意滿袖寫瓊瓌

題盧秘書夏日新栽竹二十韻

湘竹初封植盧生此考槃久持霜節苦新託露根難等

度須當砌疎稠要滿欄買憐分薄俸栽種作閒官葉剪  
 藍羅碎莖抽玉瑄端幾聲清浙瀝一簇綠檀欒未夜青  
 嵐入先秋白露團拂肩搖翡翠慰手弄琅玕韻透窓風  
 起陰鋪砌月殘炎夫聞覺冷窄地見疑寬稍動勝搖扇  
 枝低好掛冠碧籠煙鬢幕莫秋切珠灑雨珊珊晚籜他各切  
 晴雲展陰芽蟄虺蟠愛從抽馬策惜未截魚竿松韻徒  
 煩聽桃夭不足觀梁慙當家杏臺陋本司蘭古詩云盧家蘭室杏  
 拂葛衣單豈止消時暑應能保歲寒莫同凡草木一種  
 夏中看

渭村酬李二十見寄

百里音書何太遲暮秋把得暮春詩柳條綠日君相憶  
 梨葉紅時我始知莫歎學官貧冷落猶勝村客病支離  
 形容意緒遙看取不似華陽觀裏時

初授贊善大夫早朝寄李二十助教

病身初謁青宮日衰貌新垂白髮年寂寞曹司非熱地  
 蕭條風雪是寒天遠坊早起常侵鼓瘦馬行遲苦費鞭  
 一種共君官職冷不如猶得日高眠

欲與元八上隣先有是贈

平生心迹最相親欲隱墻東不為身明月好同三徑夜

綠楊宜作兩家春，每因暫出猶思伴。豈得安居不擇隣，何獨終身數相見。子孫長作隔牆人。

遊城南留元九李二十晚歸

老遊春飲莫相違，不獨花稀人亦稀。更勸殘盃看日影，猶應趁得鼓聲歸。

廣宣上人以應制詩見示，因以贈之，詔許上人。

居安國寺紅樓院以詩供奉

道林談論惠休詩，一到人天便作師。香積筵承紫泥詔，昭陽歌唱碧雲詞。紅樓許住請銀鑰，翠輦陪行賜玉墀。惆悵甘泉曾侍從，與君前後不同時。

重過祕書舊房因題長句時為贊善大夫

閣前下馬思徘徊，第一房門手自開。昔為白面書郎去，今作蒼頭贊善來。吏人不識多新補，松竹相親是舊栽。應有題牆名姓在，試將衫袖拂塵埃。

重到城七絕句

見元九

容貌一日減，一日心情十分無。九分每逢陌路猶嗟歎，何況今朝是見君。

高相宅

青苔故里懷恩地，白髮新生抱病身。涕淚雖多無哭處。

永寧門館屬他人

張十八

諫垣幾見遷遺補憲府頗聞轉殿監獨有詠詩張太祝  
十年不改舊官銜

劉家花

劉家牆上花還發李十門前草又春處處傷心心始悟  
多情不及少情人

裴五

莫怪相逢無笑語感今思舊戟門前張家伯仲偏相似  
每見青楊一惘然

仇家酒

年年老去歡情少處處春來感事深時到仇家非愛酒  
醉時心勝醒時心

恒寂師

舊遊分散人零落如此傷心事幾條會逐禪師坐禪去  
一時滅盡定中消

靖安北街贈李二十

榆莢拋錢柳展眉兩人並馬語行遲還似往年安福寺  
共君私試却迴時

重傷小女子



學人言語徒行煥似花房脆似瓊纔知恩愛迎三歲  
未辨東西過一生汝異下殤應殺禮吾非上聖詎忘情  
傷心自歎鳩巢拙長墮春雛養不成

過顏處士墓

向墳通徑沒荒榛滿室詩書積闇塵長夜肯教黃壤曉  
悲風不許白楊春簞瓢顏子生仍促布被黔婁死更貧  
未會悠悠上天意惜將富壽與何人

題周皓大夫新亭子二十二韻

東道常為主南亭別待賓規模何日創景致一時新廣  
砌羅紅藥疎窓蔭綠筠鑲開賓閣曉梯上妓樓春置醴

寧三爵加籩過八珍茶香飄紫筍膾縷落紅鱗輝赫車  
輿開珍奇鳥獸馴獼猴看極馬鸚鵡喚家人錦額簾高  
捲銀花盞慢巡勸嘗光祿酒許看洛川神周兼光祿卿  
有家妓數十  
人斂翠凝歌黛流香動舞巾裙翻繡鷓鴣梳陷鈿麒麟  
笛怨音含楚箏嬌語帶秦侍兒催畫燭醉客吐文茵投  
轄多連夜鳴珂便達晨入朝紅紫綬待漏擁朱輪貴介  
交三事光榮照四隣甘濃將奉客穩煖不緣身十載歌  
鍾地三朝節鉞臣愛才心僮敦舊禮殷勤門以招賢  
盛家因好事貧始知豪傑意富貴為交親

賦得聽邊鴻

驚風吹起塞鴻羣半拂平沙半入雲為問昭君月下聽  
何如蘇武雪中聞

見楊弘貞詩賦因題絕句以自諭

賦句詩章妙入神末年三十即無身常嗟薄命形憔悴  
若比弘貞是幸人

病中早春

今朝枕上覺頭輕強起塔前試脚行羶臆斷來無氣力  
風痰惱得少心情煖銷霜瓦津初合寒減冰渠凍不成  
唯有愁人鬢閒雪不隨春盡逐春生

送人貶信州判官

地僻山深古上饒土風貧薄道程遙不唯遷客須恓屑  
見說居人也寂寥溪畔毒沙藏水弩城頭枯樹下山魈  
先彫若於此郡為卑吏刺史廳前又折腰

曲江醉後贈諸親故

郭東丘墓何年客江畔風光幾日春只合殷勤逐杯酒  
不須疎索向交親中夭或有長生藥下界應無不死人  
除却醉來開口笑世閒何事更關身

和元八侍御升平新居四絕句

看花屋

忽驚映樹新開屋却似當簷故種花可惜年年紅似火

時方與元八上隣

今春始得屬元家

累土山

堆土漸高山意出終南移入戶庭閒玉峯藍水應惆悵  
恐見新山望舊山元八舊居在藍田山

高亭

亭脊太高君莫拆東家留取當西山好看落日斜銜處  
一片春嵐映半環

松樹

白金換得青松樹君既先栽我不栽幸有西風易憑仗  
夜深偷送好聲來

醉後却寄元九

蒲池村裏匆匆別澧水橋邊兀兀迴行到城門殘酒醒  
萬重離恨一時來

重寄

蕭散弓驚鴈分飛劍化龍悠悠天地內不死會相逢

李十一舍人松園飲小酌酒得元八侍御詩敘

云在臺中推院有鞠獄之苦即事書懷因酬

四韻

愛酒舍人開小酌能文御史寄新詩亂松園裏醉相憶  
古柏廳前忙不知早夏我當逃暑日晚衙君是慮囚時

唯應清夜無公事新草亭中好一期元於升平宅立草亭

重到華陽觀舊居

憶昔初年三十二當時秋思已難堪若為重入華陽院  
病鬢愁心四十三

答勸酒

莫怪近來都不飲幾迴因醉却沾巾誰料平生狂酒客  
如今變作酒悲人

題王侍御池亭

朱門深鎖春池滿岸落薔薇水浸莎畢竟林塘誰是主  
主人來少客來多

聽水部吳員外新詩因贈絕句

朱紱仙郎白雪歌和人雖少愛人多明朝說向詩家道  
水部如今不姓何

兩夜憶元九

天陰一日便堪愁何況連宵雨不休一種雨中君最苦  
偏梁閣道向通州

雨中攜元九詩訪元八侍御

微之詩卷憶同開暇日多應不入臺好句無人堪共詠  
衝泥蹋水就君來

贈楊秘書巨源

楊嘗有贈洛州詩曰三刀夢益州一箭取遼城由是知名

早聞一箭取遼城相識雖新有故情清句三朝誰是敵  
白鬚四海半為兄貧家他計難切草時時入瘦馬尋花處  
處行不用更教詩過好折君官職是聲名

和武相公感韋令公舊池孔雀同用深字

索寞少顏色池邊無主禽難收帶泥翅易結著人心頂  
毳文茂切落殘碧尾花銷閨金放歸飛不得雲海故巢深  
寄生衣與微之因題封上

淡色縠紗輕似霧紡花紗袴薄如雲真嫌輕薄但知著  
猶恐通州熱殺君

白牡丹

白花冷淡無人愛亦占芳名道牡丹應是東宮白贊善  
被人還喚作朝官

夢舊

別來老大苦修道鍊得離心成死灰平生憶念消磨盡  
昨夜因何入夢來

戲題盧祕書新移薔薇

風動翠條腰嫋嫋露垂紅萼淚闌干移他到此須為主  
不愛花人莫使看

曲江夜歸聞元八見訪

自入臺來見面稀班中遙得揖容輝早知相憶來相訪

悔待江頭明月歸

苦熱題恒寂師禪室

人人避暑走如狂，獨有禪師不出房。可是禪房無熱到，但能心靜即身涼。

微之到通州日授館未安見塵壁間有數行事讀之即僕舊詩其落句云綠水紅蓮一朵開千花百草無顏色然不知題者何人也微之吟歎不足因綴一章兼錄僕詩本同寄省其詩乃是十五年前初及第時贈長安妓人阿軟絕句緬思往事杳若夢中懷舊感今因酬

長句

十五年前似夢遊，曾將詩句結風流。偶助笑歌嘲阿軟，可知傳誦到通州。昔教紅袖佳人唱，今遣青衫司馬愁。惆悵又聞題處所，雨淋江館破墻頭。

得微之到官後書備知通州之事悵然有感因

成四章

來書子細說通州，州在山根峽岸頭。四面千重火雲合，中心一道瘴江流。蟲蛇白晝攔官道，蚊蚋黃昏撲郡樓。何罪遣君居此地，天高無處問來由。

匱遇合 匝巔山萬仞餘，人家應似甌中居。寅年籬下多

逢虎亥白沙頭始賣魚衣斑梅雨長須熨米澀畝田不  
解鉏努力安心過三考已曾愁殺李尚書李實尚書先  
此州身歿

於彼人稀地僻醫巫少夏旱秋霖瘴癘多老去一身須愛惜  
別來四體得如何侏儒飽笑東方朔蕙苒讒憂馬伏波  
莫遣沈愁結成病時時一唱濯纓歌

通州海內恓惶地司馬人間冗長官傷鳥有弦驚不定  
臥龍無水動應難劍埋獄底誰深掘松偃霜中盡冷看  
舉目爭能不惆悵高車大馬滿長安

病中答招飲者

顧我鏡中悲白髮儘君花下醉青春不緣眼痛兼身病  
可是樽前第一人

鷺子樓二首 并序

徐州故尚書張有愛妓曰眇眇善歌舞雅多風態予為  
校書郎時遊徐泗閒張尚書宴予酒酣出眇眇以佐歡  
歡甚予因贈詩云醉嬌勝不得風嫋牡丹花盡歡而去  
邇後絕不相聞迨茲僅一紀矣昨日司勳員外郎張仲  
素績之訪予因吟新詩有燕子樓三首詞甚婉麗詰其  
由為眇眇作也績之從事武寧軍累年頗知眇眇始末  
云尚書既沒歸葬東洛而彭城有張氏舊第第中有小

樓名燕子，眇眇念舊愛，而不嫁。居是樓，十餘年幽獨塊  
然。于今尚在，予愛績之新詠，感彭城舊遊，因同其題作  
三絕句。

滿窓明月滿，簾霜被冷燈。殘拂臥牀，燕子樓中霜月夜  
秋來只爲一人長。

鈿暈羅衫色似煙，幾回欲著卽潛然。自從不舞霓裳曲，  
疊在空箱十一年。

今春有客洛陽回，曾到尚書墓上來。見說白楊堪作柱，  
爭教紅粉不成灰。

初貶官過望秦嶺自此後詩江州路上作

草草辭家憂後事，遲遲去國問前途。望秦嶺上回頭立，  
無限秋風吹白鬚。

藍橋驛見元九詩詩中云江陵歸時逢春雪

藍橋春雪君歸日，秦嶺秋風我去時。每到驛亭先下馬，  
循牆遶柱覓君詩。

韓公堆寄元九

韓公堆北澗西頭，冷雨涼風拂面秋。努力南行少惆悵，  
江州猶似勝通州。

發商州

商州館裏停三日，待得妻孥相逐行。若比李三猶自勝，



兒啼婦哭不聞聲

武關南見元九題山石榴花見寄

往來同路不同時前後相思兩不知行過關門三四里  
榴花不見見君詩

紅鸚鵡商山路逢

安南遠進紅鸚鵡色似桃花語似人文章辯慧皆如此  
籠檻何年出得身

題四皓廟

卧逃秦亂起安劉舒卷如雲得自由若有精靈應笑我  
不成一事謫江州

罷藥

自學坐禪休服藥從他時復病沉沉此身不要全疆健  
強健多生人我心

白鷺

人生四十未全衰我為愁多白髮垂何故水邊雙白鷺  
無愁頭上亦垂絲

襄陽舟中

下馬襄陽郭移舟漢陰驛秋風截江起寒浪連天白本  
是多愁人復此風波夕

江夜舟行

煙澹月濛濛舟行夜色中江鋪滿槽水帆展半檣風呼  
曙嗷嗷鴈啼秋唧唧蟲只應催北客早作白鬚翁

紅藤杖

交親過澹別車馬到江迴唯有紅藤杖相隨萬里來

江上吟元八絕句

大江深處月明時一夜吟君小律詩應有水仙潛出聽  
翻將唱作步虛詞

途中感秋

節物行搖落年顏坐變衰樹初黃葉日人欲白頭時鄉  
國程程遠親朋處處辭唯憐病與老一步不相離

登鄧州白雪樓

白雪樓中一望鄉青山簇簇水茫茫朝來渡口逢京使  
說道煙塵近洛陽時淮西寇未平

舟夜贈內

三聲猿後垂鄉淚一葉舟中載病身莫凭水窓南北望  
月明月闇總愁人

逢舊

我梳白髮添新恨君掃青蛾減舊容應被傍人怪惆悵  
少年離別老相逢

白口阻風十日

洪濤白浪塞江津處處迴迴事事迤世上方為失途客  
江頭又作阻風人魚鮪遇雨腥盈鼻蚊蚋和煙癢滿身  
老大光陰能幾日等閒日口坐經旬

浦中夜泊

聞上江隄還獨立水風霜氣夜稜稜回看深浦停舟處  
蘆荻花中一點燈

盧侍御與崔評事為予於黃鶴樓置宴宴罷同

望

江邊黃鶴古時樓勞置華筵待我遊楚思疎匹妙茫雲  
水冷商聲清脆管絃秋白花浪濺頭陀寺紅葉林籠鸚

鷓洲揔是平生未行處醉來堪賞醒堪愁

舟中讀元九詩

把君詩卷燈前讀詩盡燈殘天未明眼痛滅燈猶聞坐  
逆風吹浪打船聲

舟行阻風寄李十一舍人

扁舟厭泊煙波上輕策閒尋浦嶼象呂切閒虎蹋青泥稠  
似印風吹白浪大於山且愁江郡何時到敢望京都幾  
歲還今日料君朝退後迎寒新耐煖開顏李好小耐酒故云

雨中題衰柳

濕屈青條折寒飄黃葉多不知秋雨意更遣欲何如

題王處士郊居

半依雲渚半依山愛此令人不欲還負郭田園八九頃  
向陽茅屋兩三間寒松縱老風標在野鶴雖饑飲啄閒  
一臥江村來早晚著書盈帙鬢毛斑

歲晚旅望

朝來暮去星霜換陰慘陽舒氣序牽萬物秋霜能壞色  
四時冬日最周年煙波半露新沙地鳥雀群飛欲雪天  
向晚蒼蒼南北望窮陰離思兩無邊

晏坐閒吟

昔為京洛聲華客今作江湖潦倒翁意氣銷磨群動裏

形骸變化百年中霜侵殘鬢無多黑酒伴衰顏只慙紅  
賴學禪門非想定千愁萬念一時空

題李山人

虛無煙火室無妻籬落蕭條屋舍低每日將何療飢渴  
并華雲粉一刀圭

讀莊子

去國辭家謫異方中心自怪少憂傷為尋莊子知歸處  
認得無何是本鄉

江樓偶宴贈同座

南浦閒行罷西樓小宴時望湖凭檻久待月放杯遲江

果嘗盧橘山歌聽竹枝相逢且同樂何必舊相知

放言五首并序

元九在江陵時有放言長句詩五首韻高而體律意古而詞新予每詠之甚覺有味雖前輩深於詩者未有此作唯李頎渠直有云濟水至清河自濁周公大聖接輿狂斯句近之矣予出佐潯陽未屆所任舟中多暇又江上獨吟因綴五篇以續其意耳

朝真暮偽何人辨古往今來底事無但愛莊生能詐聖可知甯子解伴愚草螢有耀終非火荷露雖團豈是珠不取燔柴兼照乘可憐光彩亦何殊

世途倚伏都無定塵網牽纏卒未休禍福迴還車轉轂榮枯反覆手藏鉤龜靈未免剗腸患馬失應無折足憂不信君看奕棋者輸贏須待局終頭

贈君一法決狐疑不用鑽龜與祝著試玉要燒三日滿真玉燒三日不熱辨材須待七年期豫章木生七年而後知周公恐懼流言日王莽謙恭未篡時向使當時身便死一生真偽復誰知

誰家第宅成還破何處親賓哭復歌昨日屋頭堪炙手今朝門外好張羅北邙未省留閒地東海何曾有定波莫笑賤貧誇富貴共成枯骨兩如何

泰山不要欺毫末，顏子無心羨老彭。松樹千年終是朽，  
檜花一日自為榮。何須戀世常憂死，亦莫嫌身漫厭生。  
生去死來都是幻，幻人哀樂繫何情。

歲暮道情二首

壯白苦曾驚歲月，長年都不惜光陰。為學空門平等法，  
先齊老少死生心。  
半故青衫半白頭，雪風吹面上江樓。禪功自見無人覺，  
合是愁時亦不愁。

讀李杜詩集因題卷後

翰林江左日，員外劔南時。不得高官職，仍逢苦亂離。暮

年通客恨，浮世謫仙悲。吟詠流千古，聲名動四夷。文場

白為謫  
仙人

強酒

若不坐禪銷妄想，即須吟醉放狂歌。不然秋月春風夜，  
爭那閒思往事何。

獨樹浦雨夜寄李六郎中

忽憶兩家同里巷，何曾一處不追隨。閒遊預筭分朝日，  
靜語多同待漏時。花下放狂衝黑飲，燈前起坐徹明棋。  
可知風雨孤舟夜，蘆葦叢中作此詩。

聽崔七妓人箏

花臉雲鬟坐玉樓，十三絃裏一時愁。  
憑君向道休彈去，白盡江州司馬頭。

望江州

江迴望見雙華表，知是潯陽西郭門。  
猶去孤舟三四里，水煙沙雨欲黃昏。

初到江州

潯陽欲到思無窮，庾亮樓南湓口東。  
樹木凋疎山雨後，人家低濕水煙中。  
孤攻乎將子良切餒馬行無力，蘆荻編房臥有風。  
遙見朱輪來出郭，相迎勞動使君公。

醉後題李馬二妓

行搖雲髻花鈿節，應似霓裳趁管絃。  
艷動舞裙渾是火，愁凝歌黛欲生煙。  
有風縱道能迴雪，無水何由忽吐蓮。  
疑是兩般心未決，雨中神女月中仙。

盧侍御小妓乞詩座上留贈

鬱金香汗裊一入切歌巾，山石榴花染舞裙。  
好似文君還對酒，勝於神女不歸雲。  
夢中那及覺時見，宋玉荆王應羨君。

白氏長慶集卷十五終

白氏長慶集卷第十六

唐太子少傅刑部尚書致仕贈尚書右僕射太原

白居易樂夫著

明後學松江馬元調異甫校

律詩

五言七言自二韻至一百韻凡一百首

東南行一百韻寄通州元九侍御澧州李十一

舍人果州崔二十二使君開州韋大員外庾

三十二補闕杜十四拾遺季二十助教員外

竇七按書

南去經三楚東來過五湖山頭看候館水面問征途地

*[Faint bleed-through text from the reverse side of the page]*



遠窮江界天低極海隅飄零同落葉浩蕩似乘桴漸覺  
 鄉原異深知土產殊夷音語嘲晰先擊切蠻態笑睢盱水  
 市通闐閬煙村混舳直六切龍都龍都切吏徵魚戶稅人納火  
 田租亥白饒蝦蟇寅年足虎貙抽居切成人男作壯古患切  
 似鬼女為巫樓閣攢獨婦隄喧簇貶夫夜船論鋪賃春  
 酒斷甕沽見果多盧橘聞禽悉鷓鴣山歌後獨叫野哭  
 鳥相呼嶺微雲成棧江郊水當郭月橋翹柱鶴風汎颭  
 檣烏鰲礙潮無信蛟驚浪不虞鼉鳴泉窟室時軫切結  
 氣浮圖樹裂山甍先彫切穴沙含水弩樞喘牛犁紫羊羸  
 馬放青菰繡面誰家婢鴟頭幾歲奴泥中採菱茨呂險切

燒後拾樵蘇鼎臑愁寧鼈盤腥厭膾鱸鐘儀徒戀楚張  
 翰浪思吳氣序涼還熱光陰且復晡奔模切身方逐萍梗  
 年欲近桑榆渭北田園廢江西歲月徂憶歸恒慘澹懷  
 舊忽踟躕自念咸秦客嘗為鄒魯儒蘊藏經國術輕棄  
 度關繻賦力凌鸚鵡詞鋒敵輶驢戰文重掉鞅射策一  
 彎孤崔杜鞭齊下元韋轡並驅名聲逼楊馬交分過蕭  
 朱世務輕磨揣周行竊覬覦風雲皆會合雨露各霑濡  
 共偶昇平代偏慙固陋軀承明連夜直建禮拂晨趨美  
 服頌王府珍羞降御厨議高通白虎諫切伏青蒲栢殿  
 行陪宴花樓走看酺薄胡切神旗張鳥獸天籟動笙竿九

劍星芒耀魚龍電策駟定場排漢旅促坐進吳飲羊朱切吳  
歌曰縹緲疑仙樂嬋娟勝畫圖歌鬟低翠羽舞汗墮紅  
 珠別選閒遊伴潛招小飲徒一杯愁已破三盞氣彌麤  
 軟美仇家酒幽閒葛氏妹十千方得斗二八正當鑪論  
 笑杓胡碑談憐輩嘯嘯李酣猶短實庚醉更蕩因肩切  
 迂鞍馬呼教住骹盤喝遣輸長驅波卷白連擲采成盧  
骹盤卷白波莫走籌併頻逃席觥巖列置孟滿卮那可  
鞍馬皆當時酒令濯顏玉不勝扶入規中樞草歸乘內廐駒醉曾衝宰相  
 驕不揖金吾日近恩雖重雲高勢却孤翻身落霄漢失  
 脚倒泥塗博望移門籍潯陽佐郡齊予自太子贊善大夫出為江州司馬

時情變寒暑世利筭錙銖即日辭雙闕明朝別九衢播  
 遷分郡國次第出京都十年春微之移佐通州其年秋  
澧州崔二十二出牧秦嶺馳三驛商山上二邗云俱切  
果州韋大出牧開州崑陽亭寂寞夏口路崎嶇大道全生棘中丁  
道中有東盡執爰江關未徹警淮寇尚稽誅時淮西未平路經襄  
西二邗林對東西寺山分大小姑東林西林寺在廬山北大姑  
小姑在廬山南彭蠡湖中廬峯蓮刻削湓浦帶縈紆蓮花峯在廬山北湓水在江  
城南何九派吞青草潯陽在九派南孤城覆綠蕪城南方  
如帶多以黃昏鐘寂寂清曉角嗚嗚春色辭門柳秋聲到井  
 梧殘芳悲鷓鴣音啼暮節感茱萸藥拆金英菊花飄雪

片蘆波紅日斜沒沙白月平鋪幾見林抽笋頻驚燕引  
雛歲華何倏忽年少不須與眇然思千古蒼茫想八區  
孔窮緣底事顏天有何辜龍智猶經醢龜靈未免剝窮  
通應已定聖哲不能逾况我身謀拙逢他厄運拘漂流  
隨大海鎚銀任洪爐險阻嘗之矣栖遲命也夫沈冥消  
意氣窮餓耗肌膚防瘴和殘藥迎寒補舊襦書牀鳴蟋  
蟀琴匣網蜘蛛貧室如懸磬端憂劇守株時遭人指點  
數被鬼擲余遮揄雲俱兀兀都疑夢昏昏半是愚女驚  
朝不起妻怪夜長吁萬里拋朋侶三年隔友于自然悲  
聚散不是恨榮枯去夏微之瘧今春席八俎天涯書達

否泉下哭知無去年聞元九瘧書去竟未報今春謾寫  
詩盈卷空盛酒滿壺只添新悵望豈復舊歡娛壯志因  
愁減衰容與病俱相逢應不識滿領戶感白髮鬚

謫居

面瘦頭斑四十四遠謫江州為郡吏逢時棄置從不才  
未老衰羸為何事火燒寒澗松為燼霜降春林花委地  
遭時榮悴一時間豈是昭昭上天意

初到江州寄翰林張李杜三學士

早攀霄漢上天衢晚落風波委世途雨露施恩無厚薄  
蓬蒿隨分有榮枯傷禽側翅驚弓箭老婦低顏事舅姑

白集 卷十六  
碧落三仙曾識面，年深記得姓名無。

庚樓曉望

獨憑朱檻立，凌晨山色初明。水色新竹霧曉籠，銜嶺月  
蘋風煖送過江春。子城陰處猶殘雪，衙鼓聲前未有塵。  
三百年來庚樓上，曾經多少望鄉人。

宿西林寺

木落天晴山翠開，愛山騎馬入山來。心知不及柴桑令，  
一宿西林便欲回。柴桑令，劉遺民是也。

江樓宴別

樓中別曲催離酌，燈下紅裙間綠袍。縹緲楚風羅綺薄，

錚鏦越調管絃高。寒流帶月澄如鏡，夕吹和霜利似刀。  
樽酒未空歡未盡，舞腰歌袖莫辭勞。

題山石榴花

一叢千朵壓欄干，剪碎紅綃却作團。風嫋舞腰香不盡，  
露銷粧臉淚新乾。薔薇帶刺攀應懶，菡萏生泥翫亦難。  
爭及此花簷戶下，任人採弄盡人看。

代春贈

山吐晴峰水放光，辛夷花白柳梢黃。但知莫作江西意，  
風景何曾異帝鄉。

答春

白集 卷一六  
草煙低重水花明從道風光似帝京其柰山猿江上叫  
故鄉無此斷腸聲

櫻桃花下歎白髮

逐處花皆好隨年貌自衰紅櫻滿眼日白髮半頭時倚  
樹無言久攀條欲放遲臨風兩堪歎如雪復如絲

惜落花贈崔二十四

漠漠紛紛不柰何狂風急雨兩相和晚來悵望君知否  
枝上稀疎地上多

移山櫻桃

亦知官舍非吾宅且劔山櫻滿院栽上佐近來多五考

少應四度見花開

官舍閒題

職散優閒地身慵老大時送春唯有酒銷日不過基祿  
米麿工良切牙稻園疏鴨脚葵飽餐晨晏起餘暇弄龜兒  
龜兒即小姪名

晚春登大雲寺南樓贈常禪師

花盡頭新白登樓意若何歲時春日少世界苦人多愁  
醉非因酒悲吟不是歌求師治此病唯勸讀楞伽

北樓送客歸上都

憑高眺遠一悽悽却下朱欄手共攜京路人歸天直北

白集 卷十六  
江樓客散日平西長津欲渡迴船尾殘酒重傾簇馬蹄  
不獨別君須強飲窮愁自要醉如泥

北亭招客

疎散郡丞同野客幽閒官舍抵山家春風北戶千莖竹  
晚日東園一樹花小盞吹醅鋪杯切嘗冷酒深爐敲火炙  
新茶能來盡日觀棊否太守知慵放晚衙

宿西林寺早起東林滿上人之會因寄崔二十

二員外

謫辭魏闕鷓鴣隔老入廬山麋鹿隨薄暮蕭條投寺宿  
凌晨清淨與僧期雙林我起聞鐘後隻日君趨入閣時

鵬鷲高低分皆定莫勞心力遠相思

遊寶稱寺

竹寺初晴日花塘欲晚春野猿疑弄客山鳥似呼人酒  
嫩傾金液茶新碾玉塵可憐幽靜地堪寄老慵身

早春聞提壺鳥因題隣家

厭聽秋猿催下淚喜聞春鳥勸提壺誰家紅樹先花發  
何處青樓有酒沽進士簷豪尋靜盡拾遺風彩近都無  
欲期明日東林醉變作騰騰一俗夫

見紫薇花憶微之

一叢闇澹將何比淺碧籠裙襯紫巾除却微之見應愛

人間少有別花人

薔薇花一叢獨死不知其故因有是篇

柯條未嘗損根發不曾移同類今齊茂孤芳忽獨萎仍  
憐委地日正是帶花時碎碧初凋葉焦紅尚戀枝乾坤  
無厚薄草木自榮衰欲問因何事春風亦不知

湖亭望水

久雨南湖漲新晴北客過日沉紅有影風定綠無波岸  
沒間闌少灘平船舫多可憐心賞處其奈獨遊何

閒遊

外事因慵廢中懷與靜期尋泉上山遠看筍出林遲白

石磨椎斧青竿理釣絲澄清深淺好最愛夕陽時

憶微之傷仲遠

李三仲遠  
去年春喪

幽獨辭群久漂流去國賒只將琴作伴唯以酒為家感  
逝因看水傷離為見花李三埋地底元九謫天涯舉眼  
青雲遠回頭白日斜可能勝賈誼猶自滯長沙

過鄭處士

聞道移居村塢間竹林多處獨開關故來不是求他事  
暫借南亭一望山

霖雨苦多江湖暴漲塊然獨望因題北亭

自作潯陽客無如苦雨何陰昏晴日少閒悶睡時多湖

關將天合雲低與水和籬根舟子語巷口釣人歌霧鳥  
沈黃氣風帆蹙白波門前車馬道一宿變江湖

春未夏初閒遊江郭二首

閒出乘輕屐徐行蹋軟沙觀魚傍滄浦看竹入楊家  
多魚浦西有楊林進穿籬笋藤飄落水花雨埋釣舟小  
侍郎宅多好竹  
風颺酒旗斜嫩剥青菱角濃煎白茗茶淹留不知夕城  
樹欲栖鴉

二

柳影繁初合鶯聲溢漸稀早梅迎夏結殘絮送春飛西  
日韶光盡南風暑氣微展張新小簾熨帖舊生衣綠蟻

杯香嫩紅絲繪縷肥故園無此味何必苦思歸

紅藤杖

杖出南蠻

南詔紅藤杖西江白首人時時攜步月處處把尋春勁  
健孤莖直疎圓六節勻火山生處遠瀘水洗來新粗細  
纒盈手高低僅過身天邊望鄉客何日拄歸秦

風雨中尋李十一因題船上

匹馬來郊外扁舟在水濱可憐衝雨客來訪阻風人小  
醯苦盞沽清醕私呂切行厨煮白鱗停杯看柳色各憶故

園春

題廬山山下湯泉

句集

卷十六

七



白集 卷十六  
九  
一眼湯泉流向東，浸泥澆草煖無功。驪山溫水因何事，流入金鋪玉釜中。

寄蘄州簞與元九因題六韻時元九鰥居

笛竹出蘄，春霜刀劈翠筠，織成雙鎖簞。寄與獨眠人，卷作筒中布。舒為席上珍，滑如鋪薤葉。冷似臥龍鱗，清潤宜乘露。鮮華不受塵，通州炎瘴地，此物最關身。

秋熱

西江風候接南威，暑氣常多風氣微。猶道江州最涼冷，至今九月着生衣。

題元八溪居

溪嵐漠漠樹重重，水檻山牕次第逢。晚葉尚開紅躑躅，秋芳初結白芙蓉。聲來枕上千年鶴，影落杯中五老峯。更媿殷勤留客意，魚鮮飯細酒香濃。

晚出西郊

散吏閒如客，貧州冷似村。早涼湖北岸，殘照郭西門。嬾鑷尼輒切從鬚白，休醫任眼昏。老來何所用，少興不多言。

階下蓮

葉展影翻當砌，月花開香散入簾。風不如種在天池上，猶勝生於野水中。

端居詠懷

賈生侯罪心相似張翰思歸事不如斜日早知驚鵬鳥  
秋風悔不憶鱸魚胸襟曾貯匡時策懷袖猶殘諫獵書  
從此萬緣都擺落欲攜妻子買山居

夜宿江浦聞元八改官因寄此詩

君遊丹陛已三遷我汎滄浪欲二年  
劔珮曉趨雙鳳闕煙波夜宿一漁船  
交親盡在青雲上鄉國遙拋白日邊  
若報生涯應笑殺結茅栽芋種畬田

百花亭

朱檻在空虛涼風八月初山形如峴首江色似桐廬  
佛寺乘船入人家枕水居高亭仍有月今夜宿何如

江樓早秋

南國雖多熱秋來亦不遲湖光朝霽後竹氣晚涼時  
樓閣宜佳客江山入好詩清風水蘋葉白露木蘭枝  
欲作雲泉計須營伏臘資匡廬一步地官滿更何之

送客之湖南

年年漸見南方物事事堪傷北客情山鬼趨丘妖跳切唯  
一足峽猿哀怨過三聲帆開青草湖中去衣濕黃梅雨  
畏行別後雙魚難定寄近來潮不到湓城

百花亭晚望夜歸

百花亭上晚徘徊雲影陰晴掩復開  
日色悠揚映山盡

雨聲蕭颯渡江來，髮毛遇病雙如雪。心緒逢秋一似灰，  
向夜欲歸愁未了。滿湖明月小船迴。

西樓

小郡大江邊，危樓夕照前。青蕪甲濕地，白露淡呼沃寥。  
天鄉國此時阻，家書何處傳。仍聞陳蔡戍，轉戰已三年。

尋李道士山居兼呈元明府

盡日行還歇，遲遲獨上山。攀藤老筋力，照水病容顏。陶  
巷招居住，茅家許往還。飽諳榮辱事，無意戀人間。

四十五

行年四十五，兩鬢半蒼蒼。清瘦詩成癖，粗豪酒放狂。老

來猶委命安處，卽爲鄉。或擬廬山下，來春結草堂。

寄李相公崔侍郎錢舍人

曾陪鶴馭兩三仙，親侍龍輿四五年。天上歡華春有限，  
世間漂泊海無邊。榮枯事過都成夢，憂喜心忘便是禪。  
官滿更歸何處去，香爐峰在宅門前。

廳前桂

天台嶺上凌霜樹，司馬廳前委地叢。一種不生明月裏，  
山中猶校勝塵中。

尋黃道士藥堂因有題贈

行行覓路緣松嶠，步步尋花到杏壇。白石先生小有洞，

黃弟姪齒下女大還丹常悲東郭千家塚欲乞西山五色丸但恐長生須有籍仙臺試爲檢名看

秋晚

籬菊花稀砌桐落樹陰離離日色薄單幕疎簾貧寂寞涼風冷露秋蕭索光陰流轉忽已晚顏色凋殘不如昨  
萊妻臥病月明時不搗寒衣空搗藥

南浦歲暮對酒送王十五歸京

臘後冰生覆溢水夜來雲闇失廬山風飄細雪落如米  
索索蕭蕭蘆葦間此地二年留我住今朝一酌送君還  
相看漸老無過醉聚散窮通總是閒

除夜

薄晚支頤坐中宵枕臂眠一從身去國再見日周天老  
度江南歲春拋渭北田潯陽來早晚明日是三年

聞李十一出牧豐州崔二十二出牧果州因寄

絕句

平生相見卽眉開靜念無如李與崔各是天涯爲刺史  
緣何不覓九江來

元和十三年淮寇未平詔停歲仗憤然有感率

爾成章

聞停歲仗彰皇情應爲淮西寇未平不分氣從歌裏發

無明心向酒中生，愚計忽思飛短檝。狂心便欲請長纓，從來妄動多如此。自笑何曾得事成。

庚樓新歲

歲時銷旅貌，風景觸鄉愁。牢落江湖意，新年上庾樓。

上香爐峯

倚石攀蘿歇病身，青筠竹杖白紗巾。他時畫出廬山障，便是香爐峯上人。

憶微之

與君何日出屯蒙，魚戀江湖鳥厭籠。分手各拋滄海畔，折腰俱老綠衫中。三年隔闊音塵斷，兩地飄零氣味同。

又被新年勸相憶，柳條黃軟欲春風。

雨夜贈元十八

卑濕沙頭宅，連陰雨夜天。共聽簷溜滴，心事兩悠然。把酒循環飲，移牀曲尺眠。莫言非故舊，相識已三年。

寒食江畔

草香沙暖水雲晴，風景令人憶帝京。還似往年春氣味，不宜今日病心情。聞鶯樹下沉吟立，信馬江頭取次行。忽見紫桐花悵望，下邳明日是清明。

三月三日登庾樓寄三十二

三日歡遊辭曲水，二年愁臥在長沙。每登高處長相憶。

何况茲樓屬庾家

聞李六景儉自河東令授唐鄧行軍司馬以詩

賀之

誰能准上靜風波聞道河東應此科不獨文詞供奉記  
定將談笑解兵戈泥埋劔戟終難久永借蛟龍何在多  
四十著緋軍司馬男兒官職未蹉跎

石榴樹

可憐顏色好陰涼葉剪紅牋花撲霜傘蓋低垂金翡翠  
薰籠亂搭繡衣裳春芽細炷千燈焰夏葉濃焚百和香  
見說上林無此樹只教桃柳占年芳柳一作李

大林寺桃花

人間四月芳菲盡山寺桃花始盛開長恨春歸無覓處  
不知轉入此中來

詠懷

自從委任順浮沈漸覺年多功用深面上減除憂喜色  
胸中消盡是非心妻兒不問唯耽酒冠帶皆慵只抱琴  
長笑靈均不知命江離叢畔苦悲吟魚音切

早發楚城驛

過雨塵埃滅沿江道徑平月乘殘夜出人趁早涼行寂  
歷聞唫動冥濛聞思生荷塘翻露氣稻壟瀉泉聲宿犬

白集 卷十一 十五  
聞鈴起栖禽見火驚  
隴隴燠樹色十里始天明

箬峴東池

箬如灼切峴胡典切亭東有小池早荷新荇綠參差中霄把

天行人發驚起雙樓白鷺鷺

建昌江

建昌江水縣門前立馬教人喚渡船忽似往年歸蔡渡  
草風沙雨渭河邊

哭從弟

傷心一尉便終身叔母年高新婦貧一片綠衫消不得  
腰金拖紫是何人

香爐峯下新卜山居草堂初成偶題東壁五首

五架三間新草堂石階桂柱竹編牆南簷納日冬天煖  
北戶迎風夏月涼灑砌飛泉纔有點拂牕斜竹不成行  
來春更葺東廂屋紙閣蘆簾著孟光

喜入山林初息影厭趨朝市久勞生早年薄有煙霞志  
歲晚深諳世俗情已許虎溪雲裏臥不爭龍尾道前行  
從茲耳界應清淨免見啾啾毀譽聲

長松樹下小溪頭斑鹿胎巾白布裘藥圃茶園為產業  
野麋林鶴是交遊雲生澗戶衣裳潤嵐隱山厨火獨幽  
最愛一泉新引得清冷屈曲遶階流

日高睡足猶慵起，小閣重裘不怕寒。遺愛寺鐘欹枕聽，  
香爐峯雪撥簾看。匡廬便是逃名地，司馬仍爲送老官。  
心泰身寧是歸處，故鄉何獨在長安。

山中問月

爲問長安月，誰教不暫離。昔隨飛蓋處，今照入山時。借  
助秋懷曠，留連夜臥遲。如歸舊鄉國，似對好親知。松下  
行爲伴，谿頭坐有期。千巖將萬壑，無處不相隨。

正月十五日夜東林寺學禪偶懷藍田楊主簿

因呈智禪師

新年三五東林夕，星漢迢迢鍾梵遲。花縣當君行樂夜，  
松房是我坐禪時。忽看月滿還相憶，始歎春來自不知。  
不覺定中微念起，明朝更問鴈門師。

臨水坐

昔爲東掖垣中客，今作西方社內人。手把楊枝臨水坐，  
閒思往事似前身。

山居

山齋方獨往，塵事莫相仍。藍輿辭鞍馬，緇徒換友朋。朝



餐唯藥菜夜伴只紗燈除却青衫在其餘便是僧

遺愛寺

弄日臨溪坐尋花遶寺行時時聞鳥語處處是泉聲

山中與元九書因題書後

憶昔封書與君夜金鑿殿後欲明天今夜封書在何處  
廬山菴裏晚燈前籠鳥檻猿俱未死人間相見是何年

黃石巖下作

久別鷓鴣侶深隨鳥獸羣教他遠親故何處覓知聞昔  
印青雲意今移向白雲

戲贈李十三判官

垂鞭相送醉醺醺遙見廬山指似君想君初覺從軍樂  
未愛香爐峰上人

醉中戲贈鄭使君

密座移紅毯吐敢酡顏照綠杯雙娥留且住五馬任先  
迴醉耳歌催醒愁眉笑引開平生少年興臨老鬢重來

江亭夕望

憑高遠望思悠悠哉晚上江亭夜未迴日欲沒時紅浪沸  
月初生處白煙開蘼枝雪蘂將春去滿鑷尼輒霜毛送  
老來爭敢三年作歸計心知不及賈生才

酬元員外三月三十日慈恩寺相憶見寄

悵望慈恩三月盡紫桐花落鳥關關誠知曲水春相憶  
其奈長沙老未還赤嶺猿聲催白首黃茅瘴領換朱顏  
誰言南國無霜雪盡在愁人髮髮間

偶然二首

楚懷邪亂靈均直放棄合宜何惻惻漢文明聖賈生賢  
謫向長沙堪歎息人事多端何足怪天文至信猶差忒  
月離于畢合霧凜有時不再誰能測  
火發城頭魚水裏救火竭池魚失水乖龍藏在牛領中  
雷擊龍來牛枉死人道著神龜骨靈試卜魚牛那至此  
六十四卦七十鑽畢竟不能知所以

中秋月

萬里清光不可思添愁益恨遠天涯誰人隴外久征戍  
何處庭前新別離失寵故姬歸院夜沒蕃老將上樓時  
照他幾許人腸斷玉兔銀蟾遠不知

謝李六郎中寄新蜀茶

故情周匝向交親新茗分張及病身紅紙一封書後信  
綠芽十片火前春湯添勺水煎魚眼末下刀圭攪麴塵  
不寄他人先寄我應緣我是別茶人

攜諸山客同上香爐峰遇雨而還沾濡狼籍互

相笑謔題此解嘲

蕭灑登山去龍鍾遇雨回丁鄧危攀薛博陌荔切 石滑踐莓苔襪汗君相諛鞋穿我自吟呼來莫欺泥土切 脚曾蹋玉階來

彭蠡湖晚歸

彭蠡湖天晚桃花水氣春鳥飛千白點日沒半紅輪何必為遷客無勞是病身但來臨此望少有不愁人

酬贈李鍊師見招

幾年司諫直承明今日求真禮上清曾犯龍鱗客不死欲騎鶴背覓長生劉綱有婦仙同得伯道無兒累更輕若許移家相近住便驅雞犬上層城

西河雨夜送客

雲黑雨條條江昏水闇流有風催解纜無月伴登樓酒罷無多興帆開不少留唯看一點火遙認是行舟

登西樓憶行簡

每因樓上西南望始覺人間道路長礙日暮山青簇簇浸天秋水白茫茫風波不見二年面書信難傳萬里腸早晚東歸來下峽穩乘船航過瞿唐

羅子

有女名羅子生來纔兩春我今年已長日夜二毛新顧念嬌啼面思量老病身直應頭似雪始得見成人

讀靈徹詩

東林寺裏西廊下石片鐫題數首詩言句怪來還校別  
看名知是老湯師

聽李士良琵琶

人各賦一十八字

聲似胡兒彈舌語愁如塞月恨邊雲閒人暫聽猶眉斂  
可使和蕃公主聞

昭君怨

明妃風貌最娉婷合在椒房應四星只得當年備宮掖  
何曾專夜奉幃屏見踈從道迷圖畫知屈那教配虜庭  
自是君恩薄如紙不須一向恨丹青作命卑如紙薄

閒吟

自從苦學空門法銷盡平生種種心唯有詩魔降未得  
每逢風月一閒吟

戲問山石榴

小樹山榴近砌栽半含紅萼帶花來爭知司馬夫人妬  
移到庭前便不開

編集拙詩成一十五卷因題卷末戲贈元九李

二十

一篇長恨有風情十首秦吟近正聲毋被老元偷格律  
元九向江陵日嘗以拙詩一軸贈行自後格變苦教短李伏歌行李二十常自負歌行近見

予樂府五十  
首默然心伏  
世間富貴應無分  
身後文章合有名  
莫怪氣粗言語大  
新排十五卷詩成

湖上閒望

滕花浪拂紫茸條  
菰葉風翻綠剪刀  
閒弄水芳生楚思  
時時合眼詠離騷

瀨間山石賦

白氏長慶集卷十六終

